

Član 2.

U članu 9. poslije stava 1. dodaje se novi stav 2. koji glasi:

"Prema bilansu stanja od 31.12.1996. godine Kantonalni zavod za javno zdravstvo prezlma sredstva Radne organizacije Regionalni zavod za javno zdravstvo u vrijednosti objekta 579.970,00 KM, opreme 17.150,00 KM i novčanih sredstava u iznosu od 24.370,00 KM, što ukupno iznosi 621.490,00 KM".

Član 3.

U članu 13. stav 2. se mijenja i glasi:

"U upravni odbor se imenuju tri člana iz reda osnivača, jedan član iz reda zdravstvenih radnika i jedan član iz Ministarstva zdravlja Kantona".

Član 4.

U članu 14., 19. i 21. riječ "Pravila" zamjenjuje se riječju "Statut", u odgovarajućim padežima.

Član 5.

U članu 16. iza riječi "imenuje" dodaju se riječi "i razrješava".

Član 6.

U članu 21. broj 30 zamjenjuje se brojem 60.

član 7.

Ovaj zakon stupa na snagu danom objavljivanja u "Službenim novinama Zeničko-dobojskog kantona".

Broj 01-19/98

18. februar 1998. god. PREDSEDavajući SKUPŠTINE

Zenica Šefik Džaferović, s.r.

13.

Na temelju članka 37. točka h. Ustava Zeničko-dobojske županije, Skupština Zeničko-dobojske županije, na 17. sjednici, održanoj 18. veljače 1998. godine, donosi

ZAKON

**O IZMJENAMA I DOPUNAMA ZAKONA O
JAVNOJ USTANOV I ŽUPANIJSKI ZAVOD ZA
JAVNO ZDRAVSTVO**

Članak 1.

U Zakonu o Javnoj ustanovi Županijski zavod za javno zdravstvo ("Službene novine Zeničko-dobojske županije", broj: 11/97), članak 1. mijenja se i glasi:

"Ovim Zakonom Zeničko-dobojska županija (u daljem tekstu: Županija), organizira Javnu ustanovu Županijski zavod za javno zdravstvo, od Radne organizacije Regionalni zavod za javno zdravstvo upisan u registarski uložak broj: 1-467 u Županijskom sudu Zenica i preuzima prava osnivača prema Javnoj ustanovi županijski zavod za javno zdravstvo".

Članak 2.

U članku 9. poslije stavka 1. dodaje se novi stavak 2. koji glasi:

"Prema bilansu stanja od 31.12.1996. godine Županijski zavod za javno zdravstvo prezlma sredstva Radne organizacije Regionalni zavod za javno zdravstvo u vrijednosti objekta 579.970,00 KM, opreme 17.150,00 KM i novčanih sredstava u iznosu od 24.370,00 KM, što ukupno iznosi 621.490,00 KM".

Članak 3.

U članku 13. stavak 2. se mijenja i glasi:

"U upravni odbor se imenuju tri člana iz reda osnivača, jedan član iz reda zdravstvenih djelatnika i jedan član iz Ministarstva zdravlja Županije".

Članak 4.

U članku 14., 19. i 21. riječ "Pravila" zamjenjuje se riječju "Statut", u odgovarajućim padežima.

Članak 5.

U članku 16. iza riječi "imenuje" dodaju se riječi "i razrješava".

Članak 6.

U članku 21. broj "30" zamjenjuje se brojem "60".

Članak 7.

Ovaj zakon stupa na snagu danom objavljivanja u "Službenim novinama Zeničko-dobojske županije".

Broj 01-19/98

18. veljače 1998. god. PREDSEDavajući SKUPŠTINE

Zenica Šefik Džaferović, s.r.

14.

Na osnovu člana 38. stav 1. tačka b. Ustava Zeničko-dobojskog kantona, na prijedlog Vlade Zeničko-dobojskog kantona, Skupština Zeničko-dobojskog kantona, na 17. sjednici održanoj dana 18. februara 1998. godine, donosi

ZAKON

**O PRENOŠENJU NADLEŽNOSTI ZA DONOŠENJE
KRIVIČNOG ZAKONA - POSEBNI DIO, NA
FEDERACIJU BOSNE I HERCEGOVINE**

Član 1.

Ovim zakonom Skupština Zeničko-dobojskog kantona prenosi svoju nadležnost donošenja Krivičnog zakona - Posebni dio, na Skupštinu Federacije Bosne i Hercegovine.

Član 2.

Ovaj zakon stupa na snagu danom objavljivanja u "Službenim novinama Zeničko-dobojskog kantona".

Broj 01-42/98

18. februar 1998. god. PREDSEDavajući SKUPŠTINE

Zenica Šefik Džaferović, s.r.

14

Na temelju članka 38. stavak 1. točka b. Ustava Zeničko-dobojske županije, na prijedlog Vlade Zeničko-dobojske županije, Skupština Zeničko-dobojske županije, na 17. sjednici održanoj dana 18. veljače 1998. godine, donosi

ZAKON

O PRENOŠENJU NADLEŽNOSTI ZA DONOŠENJE KRIVIČNOG ZAKONA - POSEBNI DIO, NA FEDERACIJU BOSNE I HERCEGOVINE

Članak 1.

Ovim zakonom Skupština Zeničko-dobojske županije prenosi svoju nadležnost donošenja Krivičnog zakona - Posebni dio, na Skupštinu Federacije Bosne i Hercegovine.

Članak 2.

Ovaj zakon stupa na snagu danom objavljivanja u "Službenim novinama Zeničko-dobojske županije".

Broj 01-42/98

18. veljače 1998. god. PREDSEDavajući SKUPŠTINE
Zenica Šefik Džaferović, s.r.

15.

Na osnovu člana 37. tačka h Ustava Zeničko-dobojskog kantona, Skupština Zeničko-dobojskog kantona, na 16. sjednici, održanoj dana 26. januara 1998. godine, donosi

ZAKON

O IZMJENAMA I DOPUNAMA ZAKONA O UNUTRAŠNjim POSLOVIMA ZENIČKO-DOBOJSKOG KANTONA

Član 1.

U članu 2. tačka 1. Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj 1/97), mijenja se i glasi:

"Provođenje Ustava Kantona, Federacije Bosne i Hercegovine (u daljem tekstu: Federacija) i Bosne i Hercegovine i Zakona Kantona, Federacije i Bosne i Hercegovine u pitanjima unutrašnjih poslova.

U tački 4. riječi: "i objekata", brišu se.

Član 2.

U članu 9. poslije stava 1. dodaju se novi stavovi 2., 3. i 4. koji glase:

"Ministarstvo sprovodi policijske mjere i postupke na način kojima se omogućava uvid javnosti i sredstava javnog informisanja, osim u slučajevima u kojima je propisima Ministarstva utvrđena tajnost.

Propisi kojima je Ministarstvo utvrdilo tajnost moraju sadržavati propisani postupak preispitivanja, a ciljem sprečavanja zloupotreba.

Ministarstvo redovno objavljuje i čini dostupnim javnosti izvještaj o kriminalu i policijskim mjerama i postupcima".

Postojeći stav 2., briše se.

Dosadašnji stav 3. postaje stav 5.

Član 3.

U članu 11. iza tačke 23. dodaje se nova tačka 23-a koja glasi:

"Saraduje sa bilo kojom nezavisnom komisijom za preispitivanje pritužbi koju imenuje Vlada Kantona i stavlja joj na raspolaganje svu potrebnu dokumentaciju, kao i službenike koje ona bude htjela saslušati u vezi sa ispitivanjem pritužbi na nepravilno postupanje policije".

Član 4.

U članu 18. stav 3. briše se, a iza člana 18. dodaju se novi članovi 18-a, 18-b i 18-c koji glase:

"18-a

Ukupan broj službenika u Ministarstvu mora odražavati nacionalnu strukturu stanovništva Kantona.

Ministarstvo će donijeti propise koji će osigurati jednako postupanje prema svim licima u pružanju policijskih usluga, bez obzira na njihovu etničku, rasnu, nacionalnu, polnu ili drugu pripadnost.

Poštivanje ovih propisa bit će podložno inspekciji.

Lice koje je bilo izloženo diskriminaciji ima pravo na naknadu štete.

Zahtjev za naknadu štete podnosi se u roku od 6 mjeseci od dana navodnog diskriminatornog postupanja.

Zahtjev za naknadu štete rješava Ministarstvo u dogovoru sa podnosiocem zahtjeva.

Ukoliko se zahtjev za naknadu štete ne riješi sporazumno u roku od 60 dana od dana podnošenja, podnosilac zahtjeva može nadležnom sudu podnijeti tužbu radi naknade štete".

18-b

Svi propisi koje donosi Ministarstvo, kao i sve radnje Ministarstva i njegovih službenika moraju biti u skladu sa Međunarodno prihvaćenim principima policijske službe u demokratskoj državi, koje je Federacija usvojila 26.04.1996. godine u Borju-Petersbergu.

"18-c

Svi propisi Ministarstva, kao i sve radnje Ministarstva i njegovih službenika moraju biti u skladu sa Komesarovim smjernicama za demokratsku policiju u Federaciji Bosne i Hercegovine. Napomenama vezanim za Komesarove smjernice, koje je Komesar Međunarodne policije donio u maju 1996. godine.

Član 5.

U članu 22. dodaje se novi stav koji glasi:

"Policija ne vrši vojne operacije, niti se uključuje u njih".

Član 6.

Iza člana 22. dodaje se novi član 22-a koji glasi:

"22-a
Policija je dužna vršiti svoje poslove i zadatke uz puno poštivanje ljudskog dostojanstva i osnovnih ljudskih